

Message Five

**Chyeju gaw änhte a käta na ting nyang hta dung na mätu chyeju hta chyeju bai kähtap lu la ai lam, dai re măjaw änhte gaw äsak hta ning ngai nga nna, Mädu a yaw mäsing hta Kärai Käsang a chyeju jähtum hte ngut kre hpring tsup ai gunrai hku nna Kärai Käsang a ga shägawp rai nga ai Yerusalem märe nnan byin wa ai lam**

Htina chyumdaw:- Rom 5:17, 21. Yh 1:16, Heb 4:16, Nin 6:8, Shr 22:21.

**I. Läni hte läni, äten hte äten änhte gaw Mädu Kärai hpe änhte käbu gära na mätu chyeju ntsa hta chyeju hku nna, chyeju a nhpaw n-ya sut su ai lam hkap la lu ra ai. Shing rai yang she änhte äsak hta ning ngai nga na mätu chyeju gaw änhte hta ning ngai nga lu na rai nga ai.- Yh 1:16, Rom 5:17, 21.**

**A. “Dai rai nna, mätsan dum ai hkam la lu na hte, kyin dut ai äten e shädaw shälan ai chyeju mu lu hkra, chyeju ting nyang man de, änhte nden ja ai myit hte sit shang wa ga” Heb 4:16.**

1. Käja wa gaw ndai shära hta tsun da ai tingnyang gaw sumsing hta nga ai Kärai Käsang a tingnyang nan rai nga ai (Shr 4:2). Kärai Käsang a tingnyang gaw ning gawn tawa ting de ähkaw ähkang lu ai tingnyang rai nga ai (Dan 7:9, Shr 5:1), Rai timung kam sham ai nig aw änhte h pang de dai gaw chyeju tingnyang byin wa nna, san seng dik ai käta na chyeju mägap (n-gaw n-wai tingnyang) hte shäbung da ai (Pru 25:17, 21. Shk 80:1). Ndai tingnyang gaw Kärai Käsang hte sägu käsha a tingnyang rai nga ai (Shr 22:1).
2. Änhte gaw dinghta ga ntsa äsak hkrung nga yang sumsing na Kärai Käsang hte sägu käsha Hkristu a tingnyang de gära hku sa na rai ta?. Mäkoï mägap da ai lam gaw änhte a wenyi rai nna, Heb 4:12 hta mädi mädu da ai. Sumsing na tingnyang hta dung nga ai Hkristu gaw (Rom 8:34) ya änhte mung nga nga nna (käji, 10), änhte a wenyi ngu ai (2Tim 4:22) Kärai Käsang shänu na shära (Ehpe 2:22) nga nga ai.
3. Kärai Käsang a nta, Kärai Käsang shänu na shära rai nga ai sumsing chyinghka lam ngu ai Behtela hta Hkristu gaw dinghta ga hpe sumsing de mäut mähkai nna sumsing hpe dinghta ga de gun sa wa ai läkang rai nga ai ( Nin 28:12-17, Yh 1:51). Dai ni änhte a wenyi gaw Kärai Käsang a shänu shära rai nga ai măjaw ya ten dai gaw sumsing chyinghka ngu ai Hkristu gaw dinghta ga ntsa nga nga ai mäsha rai nga ai änhte hpe sumsing de pawng gumhpawn mäut mähkai nna sumsing hpe änhte h pang de gansa wa ai läkang byin wa ai. Dai măjaw änhte a wenyi h pang de gäyin wa ai shägu, änhte gaw sumsing chyinghka kaw nna shang wa nna, sumsing hta nga ai

tingnyang hpe sumsing hte seng ai lăkang rai nga ai Hkristu hku nna hkrum hkra lu nga ai.

- B. Mădu Kărai shi hkum nan hpung shingkang a tingnyang hte chyeju a tingnyang rai nga ai (Esai 22:23, Heb 4:16). Chyeju hpe ănhte hta ning ngai nga na âhkang jaw shăgu chyeju gaw ănhte kăbu găra na mătu Kărai Kăsang a up hkgang ai npu na myi man hku nna ănhte kăta na tingnyang hta ning ngai nga ai hte (Eze 1:22, 26), dai re măjaw ănhte gaw âsak hta ning ngai nga lu na rai nga ai (Rom 5:7, 21).

**II. Ningpawt ninghpang laika hta tsun da ai âhkyak mädung yaw shăda ai lam gaw hkrat sum mat ai hpe mädun dan na mătu nre sha, Kărai Kăsang a chyeju gaw hkrat sum mat ai măsha ni a mătu kăde dăram gălaw lu ai lam mädun dan na mătu rai nga ai.**

- A. Kărai Kăsang gaw Noa hpe shi âsak hkrung nga ai hten bya hkrat sum ai prat lădaw a jaw ai măsa lam hpe mädun dan ai- Nin 6:3, 5, 11, 13. Mat 24:37-39. 2Tim 3:1-3.

1. Măsha gaw h pang jăhtum hta hkum sai shan byin mat wa ai mädang du hkra hkrat sum mat ai (Nin 6:3). Kărai Kăsang a ngang kang dik ai nhkru nshawp dik ai hpyen wa gaw ănhte a hkum sai shan rai nga ai. Dai hpe Kărai Kăsang gaw mahkra, tsep kawp nan nju dik nga ai.
2. Ga shăka dingsa hta Amălek ämyu gaw hkum sai shan hte shăbung da nna, dai gaw hkrat sum mat ai măsha dingsa a gumhpawn da ai lam nan rai nga ai. Amălek ämyu hte Isaraela ämyu a lăpran măjan găsat ai lam gaw kam sham ai ni a kăta hta hkum sai shan hte wenyi a lăpran na ga law ga la byin wa ai lam hpe shăbung da ai.- Pru 17:8-16. Gal 5:16-17.
  - a. Kărai Kăsang gaw Amălek ämyu hte tut nawng nsim nsa măjan găsat ra ai lam gaw Kărai Kăsang gaw hkum sai shan hpe nju nna, dai hpe âsan sha jeyang hpăran kau na mătu ra shărawng nga ai lam hpe hpaw mädun nga ai- Pru 17:16. Gal 5:17.
  - b. Hkum sai shan gaw gălai shai ai (snr) gram shărai rawt jat lam nnga lu ai. Dai măjaw hkum sai shan gaw ănhte hte rau găloi mung nga nga ai măjaw ănhte sădi ra nga ai.- Rom 13:14. Gal 5:16.
  - c. Kărai Kăsang gaw Satan hpe nju ai zawn nan hkum sai shan mung nju nna, Mădu gaw Satan hpe jăhten na mătu ra shărawng ai zawn, hkum sai shan mung jăhten măyu nga ai.- Pru 17:16. Trj 25:17-19. 1Sam 15:2-3.
  - d. Ănhte gaw lăpran tsap hpyi shawn ya ai Hkristu hte găsat ai wenyi a măjaw Amălek ämyu hpe ning hkap găsat lu nga ga ai. Mawshe gaw bum ntsa hta shi a lăta hpe shărawt da ai lam gaw, hkrung rawt lung mat wa ai Hkristu gaw sumsing hta

läpran tsap hpyi shawn ya nga ai lam hpe shäbung da ai. Yawshu gaw Amäleik ämyu hpe gäsät ai lam gaw shänu nga ai wenyi gaw hkum sai shan hpe ninghkap gäsät nga ai lam hpe shäbung da ai -Pru 17:9, 11, 13, Rom 8:34, Heb 7:25. Gal 5:17.

- e. Amäleik ämyu hpe ninghkap gäsät ai la hta änhthe gaw läpran tsap hpyi shawn ya nga ai Hkristu hte längai sha tai na mätu äkyu hpyi ai hku nna mung (Rom 8:34), gäsät ai wenyi hte längai sha tai na mätu hkum sai shan hpe si shängun kau na mätu mung (Luk 18:1, 1Hte 5:17, Rom 8:13, Gal 5:16-17, 24) Mädu Kärari hte rau gumhpawn jawm gälaw na mätu ra nga ai. Kärari Käsang gaw hkum sai shan hpe tut nawng nsim nsa mäjan gäsät nna sumsing npu hta dai hpe myit dum nga ai kaw na hko mat hkra äsan sha jähten kau, gäsät kau na mätu, daw dan kau ai (Pru 17:14).

B. Nin 6:8 hta **“Noa chyawm gaw Yehowa a man e myi man pa nga ai”** ngu tsun da ai.

1. Hkum sai shan gaw Satan a läta ämu rai nna, dai gaw Satan, yubak hte si lam a “zup hpawng gawknu” rai nga ai. Chyeju gaw änhthe käbu gära lu ai, hkum sai shan a mäsa lam hpe gäsät na mätu änhthe hpe gärum ya ai Kärari Käsang shi hkum nan rai nga ai.
2. Hkum sai shan gaw Satan a myi man nan rai nna, chyeju gaw Kärari Käsang a myi man nan rai nga ai. Satan a myi man hpe gäsät na mätu, änhthe gaw Kärari Käsang a myi man hpe ra nga ai.
3. Satan gaw mäsa lam hpe jähten na mätu käja dik gälaw shäkut ai shäloi, prat lädaw hpe gälai shai shängun ai ni tai na mätu Kärari Käsang a ningmu hta chyeju hpe mu lu ai nkau mi gäloi mung nga nga ai- Mädu:- Dan 1:8. 9:23, 10:11, 19.
  - a. Chyeju gaw Kärari Käsang shi hkum nan, Kärari Käsang a myi man rai nna, änhthe hpang de yawng mäyawng tai na mätu, änhthe hta änhthe hku nna, änhthe a mätu yawng mäyawng hpe gälaw na mätu änhthe käbu gära lu nga ai.- Yh 1:14, 16-17. Shr 22:21.
  - b. Mädu Yesu Hkristu a chyeju gaw mäsum längai Kärari a nhpaw n-ya sut su ai, gärum jaw ya ai lam rai nna, änhthe a wenyi hpe shäman shäkyang ai hku nna änhthe käbu gära lu ai lam rai nga ai.- Heb 10:29b, Gal 6:18, Hpil 25, 2Tim 4:22.
  - c. Kärari Käsang a mungga gaw chyeju a mungga rai nga ai.- Kas 20:32, Kol 3:16, mädu:- Eze 15:16.

- d. Ānhte gaw lāngai sha tai ai npawt shāra hta san seng ai ni hte rau zup hpawng ai lam hta ninggam hte ninggam laidi ai māsum lāngai Kārai hpe āsak a chyeju hku nna hkrum kādup hkam sha lu ai- Shk 133:3, 1Pet 3:7, Kas 4:22, 11:23.
- e. Ānhte gaw Mādu Kārai hpe yak hkak jamjau lam hte san jep ding bai dingna lam na kā-ang hta ānhte a rawt jat nga ai, yawng māyawng lawm ai chyeju hku nna hkrum kādup hkam sha lu ai- 2Kor 12:9.
- f. Ānhte gaw Mādu chyeju a ātsam hta Mādu Kārai a mātu n-gun dat shākut shāja ra nga ai- 1Kor 15:10, 58, 3:10, 12a.
- g. Chyeju a ātsam, chyeju a n-gun, chyeju a āsak a mājaw ānhte gaw Kārai Kāsang hte mung, shāda da mung jaw kāja lam nga lu ai. Shing gan daw ding hpring ai lam gaw chyeju hta byin pru wa nna, chyeju gaw kāta daw ding hpring ai lam hpe gālaw ya ai- Heb 11:7, Rom 5:17, 21.

C. Kārai Kāsang gaw Noa hpe yawng māyawng shang lawm ai hpaw mādun lam, Sanghpaw li gawgap na mātu hpaw mādun ai hpe jaw ya nna, dai gaw Kārai Kāsang gaw sādi ndung htak mat ai, āmyu ru sai hpe jāhtum kau nna ning nan prat hpe gun sa wa na lādat rai nga ai. Shi a bungli gaw prat hpe gāloi shai shāngun ai bungli rai nga ai- 1Kor 2:9. 2Kor 6:1. Mat 16:18. 1Kor 3:12.

1. Sanghpaw li gaw Hkristu a shābung da nna (1Pet 3:20-21), lāngai hkrai hte seng ai Hkristu hpe sha n-ga, gumhpawn da ai Hkristu, Hpung ngu ai Hkristu a hkumhkrang hte Yerusalem māre nnan hta ngut kre hpring tsup na māsha nnan hpe mung shābung da ai lam rai nga ai (Mat 16:18, 1Kor 12:12. Ehpe 2:15-16. Kol 3:10-11. Shr 21:2).
2. Sanghpaw li hpe gawgap ai lam gaw gumhpawn da ai Hkristu, Hpung rai nga ai Hkristu a hkumhkrang gawgap na mātu, ānhte a māhkrum mādup hta chyeju hku nna Hkristu hpe gawgap ai lam rai nga ai (1Kor12:12, Ehpe 4:11-16). Ndai gaw ānhte hkum nan a hkye hkrang la lam hpe n-gun dat gālaw ai lam rai nna, dai re mājaw ānhte gaw ndai māsu māgaw nna htak mat, kāyau mat ai āmyu ru sai hta Kārai Kāsang a tāra jeyang ai kaw na hkye hkrang la hkrum nna, prat nnan, shāning hkying mi prat lādaw kāta de shāga woi wa hkrum lu na mātu rai nga ai. (Hpil 2:12-16. Heb 11:7. Mat 24:37-39. Luk 17:26-27).

**III. Mādu a yaw māsing hta Kārai Kāsang a chyeju ngut kre hpring tsup ai, jāhtum du gālaw shāpraw ai lam gaw sumsing lāmu nnan hte ginding āga nan hta Kārai Kāsang a ding hpring ai lam a ngut kre hpring tsup ai lam**

**hku nna Yerusalem märe nnan byin wa na, Kărai Kăsang a ga shăgawp hku nna, Hkristu a hkumhkrang rai nga ai. Ānhte kăbu găra na mătu Kărai Kăsang shi hkum nan a nhpaw n-ya sut su ai lam gaw shădawn shăram da ai lam mahkra hpe lai di kau nna, htani htana prat ting yawng a man hta shădan shădawng wa na rai nga ai- Ehpe 2:7-10. 2Pet 3:13. Shr 22:21.**